



楚州使院石柱題名記

柱高五尺三寸八分每方六寸有奇正書各六行每行字數不計在淮安府山陽縣廟學



使口口堂石柱記

河南房墨卿書

缺其公待賓既以盡禮吾曹奉缺雄其命分請自

天朝各一缺有三口之繁夥二監之關口似缺以簡易化俗

以缺以上弟一方石刻剝落記僅存下方三十七字

使起復缺

團練判官缺以上弟二方前四行不可辨弟五行存三字六行存四字

使朝

使朝請 以上弟三方惟弟二行二字五行三字可辨

營田判官

使朝議郎檢校口口口常侍

團練判官長孫方達

營田判官張庾

使朝散大夫使持節楚州諸軍

團練判官 以上弟四方

營田判官司馬口口

使朝散大夫使持節楚州諸軍事守楚州刺史充本州團練使

淮南營田副使驍騎尉郭行餘

團練判官章墳 大和三年口月十二日

判官口邲

營田判官崔邲 大和四年

判官李敬方 巡官郭元載

大和三年 巡官范茂孫 大和三年四月攝

使太中大夫使持節楚州諸軍事守楚州刺史充本州團練使

淮南營田副使上柱國襲趙國公食邑三千戶賜紫金魚袋李

德脩 太和五年四月十九日授

營田判官顧元之 大和六年三月九日自充

巡官盧處

約 大和六年六月口口日自前口口州口城縣丞請 以上

弟五方 刺史李德脩下無團練判官

使朝議大夫使持節楚州諸軍事守楚州刺史兼御史中丞充

本州團練使淮南營田副使上柱國榮陽縣開國男食邑二百

戶賜紫金魚袋鄭復 大和七年

團練判官袁亞 大和七年十一月十一日自掌太子校書奏授試太常寺協律郎充

營田判官崔邲 大和八年正月七日自楚州鹽城縣丞奏授試大理評事充巡官請攝

巡官皇甫鉦

大和九年四月七日自前鄉貢進士奏授試太子正字充

使朝散大夫使持節楚州諸軍事守楚州刺史兼御史中丞充

本州團練使淮南營田副使上柱國賜紫金魚袋嚴審大和九年七月

廿六日授

團練判官章中立

大和九年十二月廿五日自前京兆府藍田縣尉奏授監察御史裏行

營田判官郭宗元

大和九年十二月廿五日自前大理寺丞奏授校書郎

巡官辛仲邕

以上第六方鄭復題名金魚下原無袋字辛仲邕名今缺從山陽

志遺補

使朝議郎使持節楚州諸軍事守楚州刺史兼御史中丞充本

州缺三百戶賜紫金魚袋蕭俶

團練判官張口夫

開成二年九月七日自前河陽監察御史裏行口三年十二月

巡官

鄭途 營田判官楊柬之

開成二年十月廿日自太子校書充

巡官盧仲

和開成二年絳州

使朝請大夫使持節楚州諸軍事守楚州刺史缺紫金魚袋李

師稷開成四年三月廿四日

團練判官崔鄉

開成四年七月廿九日自前營田奏授御史裏行

巡官

王弘 營田判官王轅

開成四年六月廿二日自口口口口守奉禮郎充

以上

弟七方

蕭俶鄭途王弘並從山陽志遺補

使朝議郎使持節楚州諸軍事守楚州刺史缺

金魚袋李拭會昌

團練判官權富

會昌二年四月廿八日自監察御史裏行充

營田判官蕭實

會昌二年四月廿八日自授至當年十月廿日

使朝請大夫使持節楚州諸軍事守楚州刺史缺

金魚袋盧弘

上會昌三年六月十三日自吏部郎中拜

團練判官鄭碣

會昌三年七月八日自秘字奏授試秘書

營田判官韋潘

會昌三年九月四日

以上第八方

盧弼

陽志遺作盛知止

右唐楚州使院石柱題名剝蝕殆半其可辨者自文宗大和三年至武宗會昌三年十五年中刺史八人團練判官九人營田判官十一人巡官八人凡三十六人蓋皆宦於楚州者也舊唐書職官志武德改郡為州州置刺史天寶改州為郡置太守乾元元年改郡為州置刺史漢代奉使者皆持節故刺史臨部持節至魏晉刺史任重者為使持節都督輕者為持節後魏北齊總管刺史則加使持節諸

軍事以此為常隋開皇三年罷郡以州統縣刺史之名存

而職廢而於刺史太守官位中不落持節之名故楚州刺

史悉有使持節楚州諸軍事也

新唐書云武德元年改太守曰刺史加使持節未詳

其朔也新唐書百官志凡文官九品有正有從自正四品以

下有上下為三十等凡文散階二十九從四品上曰太中

大夫正五品下曰朝議大夫從五品上曰朝議大夫從五

品下曰朝散大夫正六品上曰朝議郎凡爵九等三曰國

公食邑三千戶從一品九曰開國縣男食邑三百戶從五

品上凡勳級十有二轉為上柱國視正二品四轉為驍騎

尉視正六品凡勳官無職任者番上於兵部眠遠近為十

二番上柱國以下番上四年驍騎尉以下番上五年簡於

兵部授散官有勲官而始授散官有散官而始得職任散官之授不以勲級爲參差

唐書選舉志凡勲官選者上柱國正六品叙

職任之

分必資散官爲等級故楚州刺史有太中大夫朝議大夫

朝請大夫朝散大夫朝議郎者其散階也有國公開國男

上柱國驍騎尉者其爵與勲級也而楚州刺史則職任官

也舊唐書至德後中原置節度使又大郡要害之地置防

禦使以治軍事刺史兼之不賜旌節上元後改防禦使爲

團練守捉使又與團練兼置防禦使名新唐書諸軍各置

使一人五千人以上有副使一人萬人以上有營田副使

一人刺史領使則置副使故使持節楚州諸軍事楚州刺

史悉充本州團練使淮南營田副使也

唐楚州屬淮南道

刺史領

使宜置副使而今以刺史充之足補唐書之闕也猶之光

宅元年分御史臺爲左右臺兼察州縣而楚州刺史歲巡

屬縣亦或兼御史中丞也

舊唐書職官志武德合職事解散官欠一階不至爲兼貞觀合

欠一階依舊爲兼永徽以來欠一階者或爲兼或帶散官其兩職事者亦爲兼楚州刺史御史中丞兩職事也

舊唐書凡注官階高擬卑曰行階卑擬高曰守其有歷職

清要考第頗深者得隔品授之不然卽否

長編載元豐四年詔自今除授

職事官並以寄祿官品高下爲法高一品者爲行下一品者爲守二品以下爲試品同者不用行守試元豐授官正

沿唐制唐制戶滿四萬以上爲上州滿二萬以上爲中州戶

不滿二萬爲下州楚州在天寶時領縣五戶二萬六千六

十二爲中州中州刺史正四品上朝議郎則正六品上卽

太中大夫亦從四品下資非授於隔品官全擬於卑階故

郭行餘等八人胥曰守楚州刺史也舊唐書輿服志貞觀四年制三品以上服紫五品以下服緋其魚袋則始自武

德元年改銀莢符爲銀魚符新唐書車服志隨身魚符皆題其位姓名以防召命之詐

垂拱二年諸州都督刺史並準京官帶魚袋新唐書車服志景雲中詔

衣紫者魚袋以金飾之衣緋者以銀飾之開元初都督刺史品卑者假緋魚袋職官志禮部郎中

員外郎之職掌舉其儀制而辨其名數凡授都督刺史階

未入五品者並聽着緋珮魚離任則停此白氏長慶集所謂初除尚書郎脫

刺史唐制臣僚章服不論職事官之崇卑惟視散官之品

秩官至朝散大夫方換五品服著緋珮魚白詩所謂朝散何時得入銜也

雖宰相之尊散官未及三品猶以賜紫繫銜舊唐書宣宗紀馬植崔愼

由鄭朗蕭鄴劉瑑諸人繫銜可証朝議郎止六品任刺史許著緋珮魚太

中朝議朝請朝散諸大夫雖聽著緋而著紫均不及三品

故楚州刺史繫銜多賜紫金魚袋也新唐書百官志團練

使副使判官推官巡官衙推各一人節度使兼支度營田

招討經畧使則有副使判官各一人故楚州刺史其屬有

團練判官營田判官巡官也舊唐書謂副使判官皆天寶

後置未見品秩今考團練判官袁亞自太常寺協律郎充

太常寺協律郎正八品上營田判官崔郾自大理評事充

巡官請攝大理評事從八品下巡官皇甫鈺自試太子正

字充營田判官楊柬之自太子校書充太子校書正九品

下正字從九品上是判官巡官之秩不過八品九品可据

題名以補唐志也崔郾以巡官攝營田判官復自營田判

官題名缺判官字

奏授御史裏行充團練判官

題名無充字

團練判官

權富亦自監察御史裏行充貞觀初馬周以布衣進用太

宗合於監察御史裏行自此因置裏行之名龍朔元年以

王立本為監察裏行

舊唐書

監察御史正八品上崔鄉權富

均以裏行充團練判官韋中立自京兆府藍田縣尉奏授

監察御史裏行唐時以殿中侍御史掌左右巡尋以務劇

選用京畿縣尉

新唐書

藍田縣尉為京縣尉從八品下中立

自縣尉奏授裏行復充團練判官益信判官巡官之職為

正從八九品也大抵唐初選舉必三銓三注三唱而後擬

官主者受旨奉行謂之奏授武后長安三年引見風俗使

舉人悉授試官試官之起自此始又有檢校勅攝判知之

官唐書選舉志

今考題名中分注袁亞崔鄉皇甫鉉韋中立蕭

實鄭碣皆奏授也除韋中立蕭實餘人又皆試官而郭宗

元則檢校也

錢詹事大斷謂檢校若今署事

方其盛時官不歷州縣不擬

臺閣故題名中崔鄉自鹽城縣丞奏授試大理評事韋中

立自藍田縣尉奏授監察御史裏行資雖縣佐望繫朝除

內外兼歷職官修舉唐之銓法茲為盡善然元宗即位張

九齡上書已言縣令刺史陛下所與共理尤親於民者也

今京官出外乃反以為斥逐非少重其選不可及於肅代

州刺史月奉至千緡方鎮所取無藝而京官祿寡薄自方

鎮入八座至謂罷權薛邕由左丞貶歙州刺史家人恨降

之晚崔祐甫佐吏部員外求為洪州別駕使府賓佐有所



忤者薦爲郎官其當遷臺閣者皆以不赴取罪去

唐書李泌傳

蓋不數十年閒而外重內輕之勢成矣三十六人中名績畧可考見者唐書宰相世系表趙郡李氏西祖房有德修德修爲安邑之子文饒之兄唐書附二李列傳第七十一稱其有志操寶曆中爲膳部員外郎張仲方入爲諫議大夫德修不欲同朝出爲舒湖楚三州刺史卒故世系表署爲楚州刺史又安邑本封趙國公故題名曰襲趙國公也李氏江夏房有師稷有拭蕭氏齊梁房有俶韋氏彭城房有中立拭表爲起居舍人師稷俶中立皆不著其官可以題名補世系表之闕郭行餘見徐州使院石幢題名先爲營田判官大和八年十一月丙午以大理卿爲邠甯節度使李

訓鄭注謀誅宦官行餘素與訓厚密預其謀是月壬戌甘露變作行餘與王涯等畧斬於獨柳之下

通鑑唐紀

距楚州持

節日僅五年耳至撰記之人與立石歲月都不可考惟書

石之房墨卿唐書宰相世系表河南房氏有次卿字蜀客

墨卿次卿其殆昆弟行耶唐楚州理山陽爲今淮安府治

石柱題名在山陽廟學戟門外諸家金石均未著錄同郡

吳玉搢山夫載之山陽志遺亦不詳核道光庚寅家弟子

敬拓寄粵東屬武進陸徵君耀通審定徵君謂唐時官屬

多以石幢石柱題名如元和十二年徐州使院石幢記開

成會昌開司直廳石幢大中二年郎官石柱題名皆楚州

使院石柱題名之例矣暇日取新舊唐書考其結銜官資

高下全合史文諸人姓名有裨地志爰跋於尾用諭來者  
清河蕭令裕書於穗城權署

楚州金石世不恒見射陽畫象近出於安宜娑羅古碑重  
摹於隆慶東家題識足配武梁北海真書罕傳吳會外此  
而松質齋狀僅收德甫之錄象之碑目並闕輿地之紀象

之輿地紀勝楚  
州碑目全闕

好古徒切悵望無端有唐石柱建在郡城

節堂作記題刺史之名墨卿工書是會昌之字一千餘歲  
漸剝蝕於蘚苔三十六人竟見遺於歐趙諸家著錄悉未  
遐搜滌石打碑始余兄弟物之顯晦信有時矣兄服領多  
暇屬寄拓本鈎貫史文遂成疏證夫栢人西門之刻足印  
虞書泗水亭長之文有裨漢史兄於此學素非專門援據  
旣精淹通乃最後來地志幸有取焉道光辛卯夏弟文業

謹識

國



